



Bosna i Hercegovina
Federacija Bosne i Hercegovine
Kanton Sarajevo
OPĆINA VOGOŠĆA
OPĆINSKI NAČELNIK

**Služba za privredu, integrirani lokalni razvoj
i društvene djelatnosti**



Vogošća, ul. Jošanička br. 80, tel: 00387 33 586-420 i 586-422

Broj: 03-34-559/26
Vogošća, 01.04.2026. godine

Na osnovu člana 15. stav 1. tačka 2. Zakona o principima lokalne samouprave u Federaciji Bosne i Hercegovine („Službene novine Federacije BiH“ br.49/06 i 51/09), člana 71. Statuta Općine Vogošća („Službene novine Kantona Sarajevo“, broj: 27/14 – prečišćen tekst, 14/15, 9/20 i 23/24), člana 5. Pravilnika o načinu dodjele sredstava za obnovu i opremanje objekata obrazovnih ustanova (broj: 03-34-560/25 od 15.04.2025. godine), člana 18. Odluke o izvršavanju Budžeta Općine Vogošća za 2026. godinu („Službene novine Kantona Sarajevo“, broj: 2/26) i Odluke o načinu primjene smjernica o minimalnim standardima dodjele budžetskih sredstava putem transfera i subvencija u Federaciji Bosne i Hercegovine, broj: 02-02-575/25 od 15.04.2025. godine, Općinski načelnik objavljuje:

**JAVNI POZIV
za dodjelu sredstva za obnovu i opremanje obrazovnih ustanova
sa područja općine Vogošća**

I PREDMET POZIVA

Ovaj program planiran je u okviru Strategije razvoja Općine Vogošća i to:

- Strateški cilj 2.- Unaprijediti društveni život stanovništva stvaranjem uslova za društveno-ekonomski rast, dostupnost i visok kvalitet svih javnih servisa;
- Prioritet 2.2. – Unaprijediti dostupnost obrazovanja za sve učesnike (djeca i mladi) u odgojno-obrazovnom procesu;
- Mjera 2.2.2. – Unaprjeđenje školske infrastrukture.

Cilj programa je unapređenje odgojno–obrazovnog procesa i uslova rada u predškolskim ustanovama, osnovnim i srednjim školama, odnosno stvaranja što povoljnijih uslova za realizaciju nastave. Za ove namjene planirana su sredstva u Budžetu Općine Vogošća u iznosu od 70.000,00 KM.

Sredstva koja se dodjeljuju po ovom Javnom pozivu ne predstavljaju državnu pomoć u smislu Zakona o sistemu državne pomoći u BiH, odnosno ovim Javnim pozivom se neće finansirati aktivnosti privrednih subjekata koji obavljaju ekonomsku djelatnost na tržištu.

II USLOVI ZA UČEŠĆE NA JAVNOM POZIVU

Pravo na podnošenje zahtjeva za dodjelu sredstava za ovu namjenu imaju javne ustanove iz oblasti obrazovanja čije sjedište je na području Općine i to:

- a) predškolske ustanove,
- b) osnovne škole,
- c) srednje škole.

III KRITERIJI ZA ODABIR PROJEKATA

Kriteriji odabira projekata koji će biti financirani/sufinancirani, odnosno posebni uslovi na osnovu kojih se ocjenjuju prijave su:

- a) Usklađenost ciljeva projekata sa strateškim prioritetima Općine;
- b) Kvalitet i relevantnost zahtjeva za lokalnu zajednicu;
- c) Finansijski kapaciteti za uspješnu realizaciju projekta;
- d) Uticaj programa ili projekta, odnosno koje se promjene očekuju od provođenja programa ili projekta u nastavnom procesu.

Prioriteti za sufinansiranje/finansiranje su:

- a) već započeti projekti obrazovnih ustanova, a koji nisu okončani zbog nedostataka finansijskih sredstva;
- b) projekti čija realizacija direktno utiče na poboljšanje obrazovnog procesa;
- c) projekti namijenjeni povećanju sigurnosti učenika;
- d) projekti namijenjeni poboljšanju higijenskih/zdravstvenih uslova;
- e) projekti nabavke potrebnog namještaja

IV POTREBNA DOKUMENTACIJE

Uz zahtjev je potrebno priložiti slijedeće dokumente:

- a) jasan opis projekta,
- b) predmjer i predračun radova/potrebne opreme,
- c) dokaz da škola posjeduje idejni/glavni projekat (ukoliko izvođenje planiranih radova podrazumijeva pribavljanje određenih saglasnosti),
- d) dokaz o obezbjeđenju dijela sredstva (ukoliko je obezbjeđeno sufinansiranje),
- e) broj transakcijskog računa, vrstu prihoda i budžetsku organizaciju obrazovne ustanove.

V IZNOS SREDSTVA

Minimalan iznos sredstava koji se može dodijeliti za finansiranje projekta je 1.000,00 KM, a maksimalan ne može prelaziti iznos od 15.000,00 KM.

Izuzetno od odredbi prethodnog stava, Općinski načelnik na prijedlog Službe može donijeti odluku o dodjeli sredstava preko maksimalnog iznosa, ukoliko je to potrebno da bi se projekat u potpunosti realizovao.

Ukoliko je iznos projekta manji od gore navedenog iznosa, Općina će financirati stvarne troškove projekta.

VI ROKOVI ZA PODNOŠENJE PRIJAVE NA JAVNI POZIV

Javni poziv se objavljuje na web stranici Općine, i ostaje otvoren do kraja tekuće godine, odnosno do utroška planiranih sredstva za ovu namjenu.

VII POSTUPAK DODJELE SREDSTAVA

Planirana sredstva će se dodjeljivati u skladu sa Pravilnikom, a putem ovog Javnog poziva i podnesenih zahtjeva po istom.

Zahtjevi se podnose na propisanom obrascu, a koji je sastavni dio Javnog poziva.

Služba zahtjeve rješava po vremenu prispjeha. Nakon obrade zahtjeva od strane nadležne Službe, Općinski načelnik će potpisati Sporazum sa korisnicima sredstava. Sredstva će biti isplaćena na transakcijski račun obrazovne ustanove putem Službe za finansije.

Služba će pismenim putem obavjestiti podnosioc zahtjeva o razlozima zbog kojih nisu dodjeljena sredstva za predloženi projekat.

Korisnici sredstava obavezni su dostaviti Službi finansijski i narativni izvještaj sa dokumentacijom o namjenskom utrošku sredstava u roku od trideset (30) dana nakon realizacije sredstava ili povratka sa događaja, a najkasnije do kraja tekuće godine za koju su dodjeljena sredstva.

Korisnik sredstava koji ne dostavi izvještaj u obavezi je izvršiti povrat nenamjenski utrošenih ili neiskorištenih sredstava Općini, u roku od sedam (7) dana od dana zaprimanja zahtjeva Općine za povrat istih.

Služba zadržava pravo da vrši monitoring pregleda troškova u toku postupka za ostvarivanje prava.

Korisnik sredstava se obavezuje da prilikom realizacije projekta promoviše i ističe podršku lokalne zajednice.

VIII MJESTO I NAČIN PODNOŠENJA ZAHTJEVA

Popunjena prijava sa potrebnom dokumentacijom podnosi se na protokolu Općine Vogošća svakim radnim danom, ili putem pošte na adresu: Općina Vogošća, Ul. Jošanička br. 80, Vogošća, sa naznakom za Javni poziv za obnovu i opremanje obrazovnih ustanova sa područja općine Vogošća.

Sve dodatne informacije u vezi Javnog poziva mogu se dobiti na tel. 033-586-414 ili putem maila adila.zgalj@vogosca.ba.

OPĆINSKI NAČELNIK

Migdad Hasanović